



MIŠLJENJE

po zahtjevu privrednog subjekta “Interlignum” d.o.o. Teslić, o obavezi podnošenja prijave namjere koncentracije

Sarajevo
mart, 2011. godine



Broj: 01-26-7-1-1-I/11
Sarajevo, 23.03.2011. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu privrednog subjekta "Interlignum" d.o.o. Teslić, Kninska 21, 74270 Teslić, Bosna i Hercegovina, primljenog od strane Konkurencijskog vijeća dana 10.03.2011. godine, pod brojem: 01-26-7-01-I/11, Konkurencijsko vijeće, na 11. (jedanaestoj) sjednici održanoj dana 23.03.2011. godine, je donijelo

MIŠLJENJE

Privredni subjekt "Interlignum" d.o.o. Teslić, Kninska 21, 74270 Teslić, Bosna i Hercegovina, (u daljem tekstu: Podnosilac zahtjeva), podnio je Konkurencijskom vijeću Zahtjev za davanje mišljenja (u daljem tekstu: Zahtjev), primljen dana 10.03.2011. godine, pod brojem: 01-26-7-01-I/11.

Podnosilac zahtjeva traži mišljenje od Konkurencijskog vijeća o obavezi podnošenja prijave namjere koncentracije u smislu Zakona o konkurenciji.

U svom zahtjevu Podnosilac zahtjeva navodi da namjerava kupiti privredni subjekt drvnu industriju "Nova Borja" a.d. Teslić i postati 100% vlasnik istog.

Prema podacima iz Zahtjeva i dostavljenim dokumentima (bilans stanja i bilans uspjeha), privredni subjekt "Interlignum" d.o.o. Teslić po završnom računu za 2010. godinu ostvario je ukupan prihod od (...) ¹, a privredni subjekt „Nova Borja“ a.d., Teslić ostvario je ukupan prihod od (...) * KM za isti period. Također je navedeno da nijedan od učesnika koncentracije nema tržišno učešće veće od 40%.

Članom 14. stav (1) Zakona o konkurenciji propisano je da namjeravanu koncentraciju privrednih subjekta, iz člana 12. stav (1) istog Zakona, učesnici koncentracije su obavezni prijaviti, i to kada su ispunjeni slijedeći uslovi:

- a) da ukupni godišnji prihod učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji, i
- b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koje je prethodila koncentraciji, ili ako je njihovo zajedničko učešće na relevantnom tržištu veće od 40%.

U skladu sa izloženim, Konkurencijsko vijeće smatra da u predmetnom slučaju nisu ispunjeni uslovi za obavezu prijave koncentracije, koji se odnose na ukupan prihod učesnika koncentracije.

Ovo mišljenje dato je isključivo na osnovu podataka navedenih u zahtjevu. Ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednik

dr. Stjepo Pranjić

¹ (...) * Podaci se smatraju poslovnom tajnom u smislu člana 38. Zakona o konkurenciji